



Adresa: **Ul. H. Čemerlića 39a**  
71000 Sarajevo  
<http://www.voda.ba>

tel. +387 33 726-444; 726-400  
fax. +387 33 726-423  
e – mail: [info@voda.ba](mailto:info@voda.ba)

Broj: **UP-1/21-3-40-007-3/26**

Datum: **27.01.2026. godine**

«Agencija za vodno područje rijeke Save» Sarajevo rješavajući po zahtjevu pravnog lica "SELEX" d.o.o. Sarajevo, za donošenje rješenja o vodnoj dozvoli za ispuštanje oborinskih onečišćenih voda sa lokacije benzinske stanice sa pratećim sadržajima "SELEX" d.o.o. Sarajevo – PJ «Sarajevo», na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

### **RJEŠENJE** **o vodnoj dozvoli**

1. Pravnom licu "SELEX" d.o.o. Sarajevo daje se vodna dozvola za ispuštanje oborinskih onečišćenih voda sa lokacije benzinske stanice sa pratećim sadržajima izgrađene u ulici Milana Preloga 1a, općina Novi Grad, na zemljištu označenom kao k.č. broj: 3503/3 K.O Novo Sarajevo II (novi premjer).
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na objektu i pod slijedećim uslovima:
  - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
  - 3.2. Skladištenje nafte i naftnih derivata vršiti u dvoplašnim čeličnim podzemnim rezervoarima ukupne zapremine  $V=300 \text{ m}^3$  sa pripadajućom armaturom za rukovanje, praćenje i sigurnost rada.
  - 3.3. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode
  - 3.4. Korisnik poslovnog objekta za sve vrijeme trajanja ove vodne dozvole treba obezbjediti da se oborinske onečišćene vode sa lokacije predmetne benzinske stanice sakupljaju putem slivnika sa slivnom rešetkom i internom kanalizacionom mrežom odvede do ugrađenog trokomornog betonskog separatora, (gdje je treća komora ujedno i monitoring okno) i prečišćene priključe na kolektor oborinske kanalizacije kojim upravlja KJKP „Vodovod i kanalizacija" d.o.o. Sarajevo.
  - 3.5. Korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda, redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
  - 3.6. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva na osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja («Službene novine Federacije BiH», broj 14/10, 14/3, 26/14, 15/17, 23/17 i 41/20), vršiti redovna ispitivanja kvaliteta otpadnih voda, uzimanjem uzorka efluenta iz dva kontrolnog okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
  - 3.7. Prečišćena otpadna voda mora ostati u maksimalno dopuštenim granicama definiranim Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
  - 3.8. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.).
  - 3.9. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njezove obale.

4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove vodne dozvole korisnik predmetnog objekta je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na lokalitetu i objektima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
10. Prije isteka važnosti ove vodne dozvole, vlasnik, odnosno korisnik objekta je dužan da podnese zahtjev za izdavanje nove vodne dozvole.
11. Ovo rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

### **Obrazloženje**

Pravno lice "SELEX" d.o.o. Sarajevo se pismenim putem obratio ovoj Agenciji sa zahtjevom za donošenje rješenja o vodnoj dozvoli za ispuštanje oborinskih onečišćenih voda sa lokacije benzinske stanice sa pratećim sadržajima "SELEX" d.o.o. Sarajevo - P.J. «Sarajevo», izgrađene na zemljištu označenom kao k.č. broj: 3503/3 K.O Novo Sarajevo II.

U provedenom postupku dostavljena je i pregledana slijedeća dokumentacija:

- Ovjereni kopija aktuelnog izvoda iz sudskog registra broj: 065-0-RegZ-25-013757 od 03.11.2025. godine, izdatog od strane Općinskog suda u Sarajevu;
- Ovjereni kopija Uvjerenja o poreznoj registraciji izdatog od Porezne uprave - Kantonalni ured Sarajevo dana 10.12.2002. godine;
- Ovjereni kopija Uvjerenja o registraciji obveznika poreza na dodanu vrijednost u Jedinostveni registar obveznika indirektnih poreza, broj: 04/5-1/IV-17-1-5684-202/05 dana 12.11.2005. godine donesenog od Uprave za indirektno-neizravno oporezivanje Banja Luka;
- Kopija Rješenja o vodoprivrednoj saglasnosti broj: 07-337-27/98 od 08.12.1998. godine izdato od strane Ministarstva privrede Kantona Sarajevo;
- Kopija Rješenja o odobrenju za građenje pumpne stanice, donesenog od strane Službe za prostorno uređenje i komunalne poslove Općine Novi Grad Sarajevo, broj: 06-360-167/98 dana 10.12.1998. godine;
- Kopija Rješenja – utvrđuje se da ispunjeni uslovi u pogledu tehničke opremljenosti i drugi uslovi propisani u skladu sa Zakonom za početak rada i obavljanje djelatnosti, donesenog od strane Ministarstva privrede Kantona Sarajeva broj: 07-05-20/1-3116-BD-RA dana 03.01.2001. godina;
- Izveštaj o izvršenom tehničkom pregledu, broj: 06-23-5141/00 u Sarajevu 14.12.2000. godine;
- Kopija Zaključka o odbijanju zahtjeva za obnovu okolinske dozvole, broj: 05-19-12737/23 od 05.09.2023. godine izdato od strane Ministarstva komunalne privrede, infrastrukture, prostornog uređenja i zaštite okoliša Kantona Sarajevo;
- Kopija Rješenja o VD donesenog od strane Agencije za vodno područje rijeke Save broj: UP-I/25-3-40-007-3/21 dana 22.01.2021. godine;
- Ugovor sklopljen sa „DELTA PETROL“ d.o.o. Kakanj za radove na čišćenju separatora i septičkih jama i odvozu otpadnog mulja i taloga, Broj: 0931/22-DS dana 01.06.2022. godine;
- Opći akt o održavanju, korištenju i osmatranju vodnog objekta i postupanju u slučaju kvara;
- Izveštaj o monitoringu kvaliteta i kvantiteta otpadnih voda sa benzinske pumpe "SELEX" d.o.o. Sarajevo, broj izvještaja: 369/25 i 1591/25, urađen od strane „Inspekt-RGH“ d.o.o. Sarajevo, mart i septembar 2025. godine;

- Projekat izvedenog stanja vanjskih hidroyinstalacija – Poslovni objekat – Benzinska pumpa, urađen od strane „ES HYDROTECHNICS“ d.o.o. Sarajevo, juni 2021. godine
- Dokaz o uplati upravne pristojbe.

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22) izvršen je obilazak predmetne lokacije i tom prilikom je sačinjen zapisnik o uviđaju broj: UP-1/21-3-40-007-3/26 od 22.01.2026. godine i konstatovano slijedeće:

Predmetna benzinska stanica se nalazi u ulici Milana Preloga br.1A, općina Novi Grad. Na lokalitetu su smješteni: uslužno - poslovni objekat, nadstrešnica sa automatima za istakanje goriva, rezervoari za skladištenje nafte i naftnih derivata, parking i manipulativni prostor.

Vodosnabdijevanje predmetne benzinske stanice se vrši putem priključka izvedenog na gradski vodovodni sistem.

Skladištenje nafte i naftnih derivata se vrši se u čeličnim dvoplašnim podzemnim rezervoarima ukupnog kapaciteta 300 m<sup>3</sup>. Prikupljanje otpadnih voda se vrši putem slivnika sa slivnom rešetkom i kanalizacionim cijevima vodi do trokomornog armirano-betonskog separatora ulja i masti. Prečišćena voda iz separatora se preko okna za monitoring (treća komora) ispušta u javni kanalizacioni sistem kojim upravlja KJKP „Vodovod i Kanalizacija“ d.o.o. Sarajevo.

Na osnovu pregleda projektne dokumentacije, utvrđenog činjeničnog stanja i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i prava na vode dodijeljena drugim korisnicima, podnosiocu zahtjeva su ovom vodnom dozvolom u tački 3. dispozitiva Rješenja, propisani uslovi kojih se dužan pridržavati pri korištenju objekta, u skladu sa Zakonom o vodama, Uredbom o uslovima ispuštanja otpadnih voda u okoliš i sisteme javne kanalizacije i Pravilnikom o sadržaju, obliku, uvjetima, načinu izdavanja i čuvanja vodnih akata.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za ispuštanje oborinskih onečišćenih voda sa predmetne lokacije benzinske pumpe, te je riješeno kao u dispozitivu ovog Rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

#### **Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

Prilog: Projekat izvedenog stanja vanjskih hidroyinstalacija – Poslovni objekat – Benzinska pumpa, urađen od strane „ES HYDROTECHNICS“ d.o.o. Sarajevo, juni 2021. godine.

Po ovlaštenju  
Rukovodilac sektora za izdavanje vodnih akata

  
Nihad Pezo, dipl.inž.građ.

Dostaviti:

- „SELEX“ d.o.o. Sarajevo, Milana Preloga 1a, 71000 Sarajevo (prilog)
- ⊙ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava